

清鹽法志卷二百九十二

山東

夏

海岱惟青州海濱廣斥厥貢鹽絺

書禹貢

周

東北曰幽州其藪澤曰繹養其浸菑時其利魚鹽

周禮夏官職方氏

顧祖禹讀史方輿紀要曰繹養澤在山東萊蕪縣東原山至壽光東於禹貢屬青州境菑水出山東萊蕪縣東原山至壽光縣東北入於海亦曰淄水出山東青州府臨淄縣西二十五里西至博興縣合小清河入海於禹貢皆在青州境

武王已平商封師尚父於齊營丘太公至國因其俗簡其禮通

工商之業便魚鹽之利而人民多歸齊

史記齊世家

齊桓公得管仲設輕重魚鹽之利

史記齊世家

桓公曰吾何以爲國管子對曰海王之國謹正鹽山海桓公曰耳桓公曰何謂正鹽何

筴管子對曰十口之家十人食鹽三升少半吾子食鹽二升少

半此其大曆也鹽百升而釜令鹽百之重升加十分強釜二萬百

升加一強釜百也鹽百加二強釜二也重鍾二千十鍾二萬百

鍾日二十萬千鍾日二萬萬乘之國人數開口千萬也禹筴之

也月人三十錢之籍爲錢三千萬今吾將籍於諸君吾子則

有必囂號今夫給之鹽筴則百倍歸於上人以無以避此者數也

桓公曰然則國無山海不王乎管子曰因人無以山海假之名也

其有海之國讐人鹽之事以重相推此吾人用之官出之以管子海王

篇管子曰齊有渠展之鹽請君伐菹薪煮沸水爲鹽徵而積之

桓公曰諾十月始正至於正月成鹽三萬六千鍾召管子而

問曰安用此鹽而可管子對曰孟春旣至農事且起大夫無

得繕冢墓理宮室立臺榭築牆垣北海之事奈何管子對曰煮

鹽若此則鹽必坐長而十倍築桓公曰善行之衆無得聚庸而煮

請以令糶之梁趙宋衛漢陽彼盡餽食之國無鹽則腫守圉之國用鹽獨甚桓公曰諾乃以令使糶之得成金萬一千餘斤管子輕重甲篇

晏子曰海之鹽蜃祈望守之

左氏昭二十年傳

杜預註曰祈望官名言公專守山澤之利不與民共孔穎達疏曰海是水之大神有時祈望祭之因以祈望為主海之官也此皆齊自立名故與周禮不同

漢

千乘郡有鹽官北海郡都昌壽光東萊郡曲成東牟轅昌陽當

利瑯琊郡海曲計斤長廣有鹽官

漢書地理志

元鼎中博士徐偃使行風俗偃矯制使膠東魯國鼓鑄鹽鐵

漢書

終軍傳

御史大夫張湯劾偃矯制大害法至死詔下終軍問狀軍詰偃曰鹽鐵郡有餘臧正二國廢國家不足以為利害而以軍安

社稷存萬民爲辭何也又詰偃膠東南近郡口數田地北海魯國西枕泰山東有東海受其鹽鐵偃度四郡口數田地率其用器食鹽不足以併給二郡邪將執宜有餘而吏不能也何以言之偃窮訕服罪漢書終軍傳

### 初元五年四月罷鹽鐵官

漢書元帝紀

元帝卽位二年齊地飢瑯邪郡人相食在位諸儒多言鹽鐵官及北假田官常平倉可罷上從其議皆罷之其後用度不足獨復鹽鐵官漢書食貨志

## 晉

隆安四年慕容德僭卽皇帝位於廣固明年置鹽官於烏常澤

### 以廣軍國之用

晉書慕容德載記

清一統志曰黑冢泊在壽光縣東北五十里晉書慕容德置鹽官於烏常澤卽此今澗

## 北魏

天平元年於滄瀛幽青四州之境傍海置鹽官設竈煮鹽

隋書食貨

志

武定中右僕射崔暹奏請海沂煮鹽有利軍國文襄以問崔昂  
昂曰亦既官煮須斷人竈官力雖多不及人廣請準關市薄  
爲竈稅私館官給彼此有宜朝廷從之

北史崔挺傳

唐

河南道萊州東萊郡掖有鹽井二膠水卽墨棣州樂安郡渤海

密州高密郡諸城莒有鹽

唐書地理志

密州諸城縣理東南一百三十里濱海有鹵澤九所煮鹽  
今官多收其利棣州蒲臺縣海在縣東一百四十里海畔  
有一沙阜高一丈周圍二里俗人呼爲鬬口淀是濟水入海  
之處海潮與濟相觸故名今淀上有甘井可食海潮雖大淀  
終不沒百姓於其下煮鹽元和郡縣圖志

青楚海滄棣杭蘇等州以鹽價市輕貨輸司農

唐書食貨志

貞元八年王武俊率師次於德棣二州將取蛤蜊及三泚城

舊唐

書李正已傳

棣州之鹽池與蛤蜊歲出鹽數十萬斛棣州之隸淄青也其刺史李長卿以城入朱滔而蛤蜊為李納所據因城而戍之以專鹽利其後武俊以敗朱滔功以德棣二州隸之蛤蜊猶為納戍納初於德州南跨河而城以守之謂之三泚交田緒以其通魏博路而侵掠德州為武俊患及率眾兵以取蛤蜊三泚為名其實欲窺納境德宗遣使諭旨武俊即罷還師古毀三泚口城從詔旨師古死其奴迎師道於密而奉之乃請進兩稅守鹽法舊唐書李正已傳

元和十四年三月鄆青兗三州各置榷鹽院

舊唐書食貨志

長慶二年五月詔曰兵革初寧亦資權筦閭閻重困則可蠲除

如聞淄青鄆三道往來糶鹽價錢近取七十萬貫軍資給費

優贍有餘自鹽鐵使收管已來軍府頓絕其利遂使經行陣

者有停糧之怨服隴畝者有加稅之嗟犯鹽禁者困鞭撻之  
刑理生業者乏蠶醬之具雖縣官受利而郡府益空俾人獲  
安寧我因節用其鹽鐵先於淄青兗鄆等道管內置小鋪糶  
鹽巡院納權起今年五月一日以後一切並停仍各委本道  
約校比來節度使自收管充軍府逐急用度及均減管內貧  
下百姓兩稅錢數至年終各具糶鹽所得錢并均減兩稅奏

聞

舊唐書  
食貨志

後周

濱州周顯德三年置以其濱海爲名初五代之際置權鹽務於

海傍後爲贍國軍周因置州

五代史  
職方考

顯德三年勅齊州管內元於秋苗上俵配蠶鹽謂之察頭鹽每

一石徵錢三千文苗畝雖減於舊時鹽數不少於往日且聞  
黎庶頗亦艱辛其滄棣濱淄青五州管內祈請蠶鹽每一石  
徵絹一匹地理相接苦樂頓殊輸輕者量與增添賦重者時  
宜蠲減庶無偏黨用示均平其齊州所納鹽價錢特與減收  
一半只徵錢一千五百文其滄棣濱淄青等州每鹽一石舊  
徵絹一匹起來年後加絹一匹

續通  
典

宋

鬻海爲鹽在京東曰密州濤洛場一歲鬻三萬二千餘石以給  
本州及沂濰州唯登萊州則通商後增登州四場在河北曰  
濱州場一歲鬻二萬一千餘石以給本州及棣州雜支並  
京東之青淄齊州若大名眞定府貝冀相衛邢洛深趙滄磁

德博濱棣祈定保瀛莫雄霸州德河通利永靜乾寧定遠保定廣信永定安肅軍則通商後濱州分四務又增滄州三務歲課九千一百四十五石以給一路而京東之淄青齊既通

商乃不復給

宋史食貨志

按宋時河北行鹽之地濱滄不分故此條於長蘆山東兩載之其他河北行鹽事例已見長蘆者茲不復載

慶曆元年冬以淄灘青齊沂密徐淮陽八州軍仍歲凶災乃詔

弛鹽禁聽人貿易官收其算

文獻通考

舊南京及曹濮濟兗單鄆廣濟七州軍食池鹽餘皆食密登二州鹽官自鬻之慶曆元年冬以淄灘青齊沂密徐淮陽八州軍仍歲凶租舊錢乃詔弛禁聽人貿易官收其算而罷密登州第令戶輸租錢其後兗鄆皆以壤地相接罷食池鹽得通海鹽收算如輸錢等州自是諸州官不貯鹽而百姓蠶鹽歲皆罷給然使輸錢如故至和中始詔百姓輸錢以十分爲率聽減三分

宋史食貨志

元豐三年京東轉運副使李察言南京濟濮曹單行解鹽餘十有  
二州行海鹽請用今稅法置買賣鹽場其法盡竈戶所鬻  
鹽而官自賣重禁私爲市者歲收錢二十七萬三千餘緡而

息幾半之

宋史食貨志

元豐間吳居厚爲京東轉運判官陞副使天子方興鹽鐵居  
厚精心計籠絡鉤稽收羨息錢數百萬詔褒揭其能擢都轉  
運使又請以鹽息買絹資河東宋史吳居厚傳六年較本  
吳居厚爲轉運判官承李察後治鹽法利入益多六年較本  
路及河北買賣鹽場自改法抵今一年有半得息錢三十六  
萬緡察居厚皆進官加賜居厚三品服詔運賣鹽錢儲之北  
京宋史食貨志

哲宗立蘇軾知登州

宋史蘇軾傳

上鹺議

山東舊志

元豐八年十二月朝奉郎前知登州軍州事蘇軾狀奏右臣  
竊聞議者謂近歲京東榷鹽旣獲厚利而無甚害以謂可行  
以臣觀之蓋比之河北淮浙用鹽稀少因以爲便不知舊日  
京東販鹽小客無以爲生大半去爲盜賊然非臣職事所當

言者故不敢以聞獨臣所領登州計入海中三百里地瘠民貧商賈不至所以聞鹽貨只是居民喫用今來既權入官官買價賤比之竈戶賣與百姓三不及一竈戶失業漸以逃亡其害一也居民咫尺大海而令頓食貴鹽深山窮谷遂至食淡其害二也商賈不來鹽積不散有入無出所在官舍皆滿至於露積若行配賣卽與福建江西之患無異若不配賣卽一二年間舉爲糞土坐棄官本官吏被責專副破家其害三也官無一毫之利而民受三害決可廢罷竊聞萊州亦是元無客旅興販事體與此同欲乞朝廷相度不用行臣所言只乞出自聖意先罷登萊兩州權鹽依舊令竈戶賣與百姓官收鹽稅其餘州軍更委有司詳講利害施行謹錄奏聞伏候勅旨  
東坡奏議

神宗以鮮于侁爲京東轉運使罷哲宗立念東國困於役吳居

厚掊歛虐害竄之復以侁使京東京東鹽得通商

宋史鮮于侁傳

哲宗時王巖叟知齊州請河北所言鹽法行之京東

宋史王巖叟傳

按巖叟請罷河北權鹽見長蘆

徽宗時翟汝文知濟州後徙密州密負海產鹽蔡京屢變鹽法

汝文力持之

山東舊志

密貢海產鹽蔡京屢變鹽法盜販者衆有司窮治黨與汝文曰祖宗法度獲私商不詰所由欲靖民也今繫而虐之將爲厲矣悉縱之 宋史翟汝文傳

金

大定三年十一月詔以銀牌給益都濱滄鹽使司

金史食貨志

益都濱州舊置兩鹽司大定十三年四月併爲山東鹽司

金史食貨志

志

大定二十一年滄州及山東各務增羨冒禁鬻鹽朝論慮其久

或隳法遂併爲海豐鹽使司

金史食貨志

二十五年後惟置山東滄寶坻莒莒解北京西京鹽司山東滄寶坻斤三百爲袋袋二十有五爲大套鈔引公據三者俱備然後聽鬻小套袋十或五或一每套鈔一引如袋之數其行鹽之界各視其地宜山東滄州之場九行山東河北大名河

南南京歸德諸府路及許亳陳蔡潁宿泗曹睢鉤單壽諸海  
莒之場十二濤洛場行莒州臨洪場行贛縣獨木場行  
州司候司胸山東海縣板浦場沂邳徐宿泗滕六州西陽場行密  
萊州錄事司及招遠縣衡村場行即墨萊陽縣之二場鈔引  
及半袋小鈔引聽本州縣鬻之寧海州五場皆鬻零鹽不用  
引目黃縣場行黃縣巨風場行登州司蓬萊縣福山場  
行福山縣是三場又通行旁縣棲霞寧海州場行司候司牟  
平縣文登場行文登縣金史食貨志

大定二十九年十二月命寶坻山東滄鹽每斤減爲三十文已

發鈔引未支者准新價足之

金史食貨志

明昌二年省臣以山東鹽課不足蓋由鹽司官出巡不敢擅捕  
必約所屬同往人不畏故也詔自今如有盜販者聽鹽司官  
輒捕民私煮及藏匿則約所屬搜索巡尉弓兵非與鹽司相

約則不得擅入人家

金史食貨志

明昌三年六月孫卽康等同鹽司官議濱州渤海縣永和鎮去

州遠恐藏盜及私鹽可改爲永豐鎮與曹子山村各剏設巡

檢山東寶坻滄鹽司判官乞陞爲從七品用進士從之

志

明昌五年正月重定山東濱益小場鹽課

續文獻通考

尙書省奏山東濱益九場之鹽行於山東等六路濤洛等五  
場止行於沂邳徐寧滕泗六州各有定課方之九場濤洛等五  
同若弊令遂定九場通比增虧其五場官恃彼大課恐不用力轉  
生奸弊遂令五場自爲通比舊法與鹽司使副通比至是  
始改焉五年正月十八日小場再定除濤洛等五場係設管勾可進  
告勅遂遣使按視戶部告郎中李敬義等言八小場今定新課  
依新例恢辦永相比磨戶部告郎中李敬義等言八小場今定新課  
有減其半者如使俱從新課而舊課已辦入官恐所減錢多  
因而作弊所收錢數不復盡實附曆納官遂從明昌元年所  
定酒稅院務制令卽日收辦

金史食貨志

承安三年八月命山東寶坻滄州三鹽司每春秋遣使督按察

司及州縣巡察私鹽

金史食貨志

泰和五年十月簽河北東西大名路按察司事張德輝言海  
墾人易得私鹽故犯法者衆可量戶口均配之尙書省命山  
東按察司議其利便致流言萊密等州比年不登計口賣鹽所歛  
雖微人以爲重恐致流亡且私煮者皆無籍之人豈以配賣  
而不爲哉遂定制命與滄鹽司皆馳驛巡察境內

金史食貨志

十二月復定鹽價及鹽課

續文獻通考

明昌五年十一月尙書省議山東滄州舊法每一斤錢四十  
一文自大定二十九年赦恩并特旨減爲三十文後以國用  
不充遂奏定每一斤復加三文爲三十三文至承安三年十  
二月尙書省奏定山東寶坻滄州三鹽司價每一斤加爲四  
十二文既增其價復加其所鬻之數山東舊課歲入二百五  
十四萬七千三百三十六貫增爲四百三十三萬四千一百  
八十四貫四百文泰和四年六月以七鹽使司課款七年一  
定爲制每斤增爲四十四文

金史食貨志

泰和五年六月分定山東滄州兩鹽司所隸路府州縣

續文獻通考

以山東滄州兩鹽司侵課遣戶部員外郎石鉉按視之還言  
兩司分辦爲便詔以周昂分河北東西路大名府恩州南京  
睢陳蔡許潁州隸山東鹽司以山東東西路開濮州歸德府曹  
單亳壽泗州隸山東鹽司各計口承課金史食貨志

泰和六年特起張萬公知濟南府山東路安撫使山東連歲旱

蝗沂密萊莒濰五州尤甚上言乞將鹽引付山東行部於五

州給賣納粟易換

金史張萬公傳

四月從涿州刺史夾谷蒲乃言以萊州民所納鹽錢聽輸絲

綿銀鈔

金史食貨志

元

山東之鹽太宗庚寅年始立益都課稅所撥竈戶二千一百七

十隸之每銀一兩得鹽四十斤

元史食貨志

太宗甲午年立山東鹽運司

元史食貨志

中統二年六月命李壇領益都路鹽課

元史世祖本紀

中統三年命課稅隸山東都轉運司

元史食貨志

中統四年正月設東平等路巡禁私鹽軍

元史世祖本紀

七月詔山東經略司徙膠萊莒密之民及竈戶居內地中書

省臣以妨煮鹽爲名遂令統軍邊戍居民竈戶毋徙

元史世祖本紀

至元二年改立山東轉運司

元史食貨志

國初始置益都課稅所管領山東鹽場以總鹽課後改置運司中統四年詔以中書左右部兼諸路都轉運司至元二年命有司兼辦其課改立山東轉運司

元史百官志

戶部造山東鹽引

元史食貨志

至元八年三月改山東河間陝西三路鹽課都轉運司爲都轉

運鹽使司

元史世祖本紀